

豫章叢書

第二四冊

宗伯集卷九

宋 孔武仲 常父 著

制

仙韶副使胥氏可充樂正管仙韶公事

元祐六年十二月某日勅某官古之人君燕處必有
事樂蓋所謂房中之樂者周南召南是也修身治人
之道入於耳而感於心有益於爲天下豈特娛悅耳
目而已哉以爾順淑幽閑久於其職俾正官屬均諧
厥音節以中和防其流逸以輔善志朕之親聽勤怠
而具有榮辱焉可不勉哉

權發遣兗州瞿思可除國子司業

勅某官先帝設三學以聚天下之賢才又復司成之官以率其屬朕遵奉謨訓以勸學爲先急乃者十月之望臨幸東監酌獻於先聖之廟堂引見諸生召儒官講說先王之道喟然想見古之風烈知造士之本止在于此可不擇賢師長以治之乎以爾思行誼學術有聞於時往在成均能推決度之意以倡學者已去而人思其歸朝廷修厥舊職夫善於始者能推之於終則其成功加易爾其勉之

表

謝賜御筆詩表

臣武仲言今月二十一日伏蒙聖慈面賜御書聖終
南殘雪詩一首者禁闈深靚特留已退之班宸翰精
研曲示非常之賜旁均近列下逮孤生臣武仲誠榮
誠感頓首頓首伏維皇帝陛下盛德日新多能天縱
政事之暇屢開邇英經史之疑參訂羣論已究多聞
之益更追絕藝之遊御玉宇之燕閒發新文之鈞
曲臣久涵睿澤初侍華林補天未效于片言拜貺輒
均於諸老豈獨藏之什襲垂俾子孫猶能罄乃一心
上報君恩臣無任云

云

謝經徹賜宴表

經幄侍言甫訖帝王之大訓宸慈賜宴實爲臣子之

至榮荷天度之含容叨特恩之麗厚

中謝

恭維太皇

太后德凝坤載治協離明謹律度以誠身正端源而
馭俗申命博帶之士入講金華之庭竊觀聖學之日
新殆與古書而契合淵默臨朝則體虔舜無爲之化
恭儉好禮則稽召公敬德之言庶績其凝九功惟叙
固將永見其實効非徒紬繹于多聞臣等妄陳口耳
之知曾乏涓塵之補終篇甚幸示惠過隆金奏宣和
聽鈞天於夢寐皇華命侑滲湛露於蕭稷深惟稽古

之功罕及逢辰之幸致君有道當取於百篇報上無窮更期於萬壽云

賀太皇太后聽政表

進踐尊名俯同庶政朝無乏事國有舊章漢號發於
廷中歡聲騰於海內中賀恭以太皇太后陛下功高
奕世化浹中宮英祖當天已勸於內助先皇御極益
重於母儀建茲繼照之勲實賴含飴之德軍國多務
宜專聽斷之勞社稷永安咸仰維持之力遂贊唐虞
之興運遠逾姜嫄之徽音臣官在遠邦跡遙清禁勉
綴會同之列徒深忭蹈之誠

皇太后表

奉遵舊典進受隆名夷夏觀瞻神人欣悅中賀恭以
皇太后殿下塗山積慶沙麓凝神佐佑先朝坤順已
刑於四海扶持大運離明復照於萬方親奉顧言首
膺顯號漢宮上壽永承長樂之尊周雅流音更比太
任之盛臣忝居部使最遠朝班聞新禮之遂行敬歡
心而徒切

謝厯日表

命羲和以平四時察璣衡以齊七政此堯之所以稱
大而舜之所以爲明爰及熙朝著爲定令中謝伏維

皇帝陛下交物有道奉天無私惟是祿書莫非民事
仍頒御府之禮分錫守土之臣臣敢不宣布上仁遵
行告朔豈特土牛之出以示耕期庶幾玉燭之調少
助和氣

貢物表

六典已頒盡循于紹古四方所出宜上于有司聖憲
惟新人情胥役前件物或爭輝崑玉或等寶楚萍仁
以金壺襲以冰粉毓自地靈之富升于筐貢之珍野
老獻芹無補薦羞之美朝陽傾驩但馳就望之心

慰皇帝表

路寢問安日期於康復宮車宴駕卽近於彌留疾驛傳聞多方號慕

中謝

恭以大行皇帝行堯之儉秉禹

之勤精思積於萬方疾疹生於六氣玉几尋頒于顧命白雲遂返於故鄉皇帝陛下大孝奉先重明繼照翼室盡遵於故事衮衣已見於羣臣雖隆天性之恩無忽宗祧之寄伏願抑曾參之小行振大漢之英聲率彼舊章答其光訓詒謀燕翼方卜於遠猷以義斷恩必從於中制紹休國統俯慰民心

云

慰太皇太后表

災纏宮闕勸溢華夷顧命已行仙遊不返

中謝

恭以

大行皇帝勤儉在躬夙宵圖治爽豫偶從于新歲升
遐遽棄于羣臣伏維皇太后久佐先朝親聞遺制後
事當知于有助常情宜置之無何頃神燕閑益隆于
母道詒謀永置共乂于皇家

云

代賀登極銀表

伏以繼體承祧寶運屬千年之聖修方旅實明廷來
萬國之珍最是遠邦聽稽常典前件物體均金錫氣
秀山川潔白無瑕上以諭吾君之德純良不僞下以
將臣子之誠于物雖微其心已至

云

代丞相謝麻日表

治曆明時預興于嗣歲晉郵傳命均及于庶邦已典
吏民同瞻法象

中謝

恭以皇帝陛下紹衣聖緒欽若

昊天授夏正之三陽協箕裘之五紀清臺密諫尤欽
太史之司明堂坐頒外謹諸侯之治璿璣成政玉燭
均和臣敢不祗奉德音式宣寶訓期致庶草之庶少
臻泰階之平

代賀建置塞舖軍工表

開斥方維作新亭障威靈震疊種落又寧已修版築
之工益廣農商之業

中謝

竊以重湖之外二廣與鄰

苞夷夏以雜居職古今而未議皇武有赫聲斷不疑

乃有芙蓉之郊旁接辰溪之域久迷異俗願齒編氓
廓天之覆而無私目彼之來而不拒刻其穢貉治以
準繩拔淪溺于重淵蒙光輝于久照伏維皇帝陛下
勵精治化應變無爲不特堯舜垂拱之安獨居帝皇
步驟之上龍荒沙漠亦旣駿奔洞獠林蠻豈忍遐棄
開除道路之隘控壓山河之衝佐以鳴鑾立之崇壘
輿情自勸掩宣王百堵之功絕微可通邁神禹九州
之迹坐臻永逸胥樂太平臣郎使備員外司承乏於
國事無涓埃之補與邦人均鼓舞之驩

代夢口復舊官謝表

分符守土曾乏微勞降命自天遽增新秩冒恩過渥
撫已若驚

中謝

伏念臣植性樸顓逢時忠厚因仍歲

紀忝竊朝行出使四方初習關河之險入居九寺稍
瞻天日之光綬既短而沒深饑汔至而自覆輒干邦
憲宜置刑誅賴先皇之至仁從有司之輕典奪階一
級以警其尤假節三湘亦觀其効亟奉承于制旨俾
牽復于寵名洵洗積憂超逾始望此蓋伏遇皇帝陛
下神明洞照睿聖日躋播萬物于不言悉歸化育念
多方之有罪成就寬平遂俾弱材均蒙寵數考今官
制視昔卿曹班列浸崇祿廩加厚撫躬則幸圖報謂

何竊力負山雖任難堪之勢葵心向日誓殫不懈之
忠

代謝太皇太后表

出守遠方久違帝所恭承新命特叙官聯竊寵逾涯
視榮爲懼中謝伏念臣家於伊洛生邁唐虞襲累世
之軒裳幸不乏祀齒諸生于學校遂以決科叨踐周
行疊當煩使向彼先朝之收錄得陪羣俊于京師謀
不見幾動或失當干有司之法甘置嚴誅奪所居之
官祇從薄責歲時未幾光寵復還顧朽質以知榮念
大恩之未報此蓋伏遇太皇太后陛下撫重熙之命

承列考之謀在宥四方陟降多士當罪戾初致固難
屈法而伸恩及日月屢更謂能遷善而遠罪遂循常
憲俾進今階敢不惕勵乃心祇勤所職庶有涓毫之
補以酬覆載之仁

代到任謝皇帝表

定武之鎮雄于北方別乘之權亞于刺史宜得賢俊
以充使令豈容衰疲輒茲忝冒

中謝

伏念臣無可喜

之才技徒知自勵于廉平遠使湖湘累更歲月瘵官
誤事尋爲御史之所彈觀過原情是亦君子之宜恕
坐索長安之米久奉紫宸之朝遠承制書俾佐藩府

官廩豐渥私計便安此蓋伏遇皇帝陛下若日之明
如天之覆萬方有罪待以公平一夫向隅爲之慙怛
知臣粗守節義察臣非好功名付以治中觀其爲政
解纒縲絏已荷于至仁策勵驚鉛尙期於後効

代謝太皇太后表

乘傳南州已不勝任題輿北部復俾親民荷天恩之
矜容積私心而覲愧中謝伏念臣材能薄陋蹤跡孤
平承命先朝出使遐服作興煮海之法自有倡議之
人一簣障河誠難決敵三言成虎孰克自明尋被劾
于憲章遽罷還于朝列栖遲浸久忼慷欲歸尙叨別

乘之除已過平時之望此蓋伏遇太皇太后陛下承
顧託之重擁穹旻之休用人不廢其所長行法每戒
其太甚知臣素謹察臣不苛採於積毀之餘付以治
中之任況復大河之朔定武爲雄軍旅精嚴簿書簡
寡從容談議敢肆於便安黽勉施爲更闕于補報

代賀太皇太后表

上追祖武特重母儀備號旣升縣區胥悅

中謝

恭維

太皇太后徽音振母儀範承天塗山啟興禹之謀文
母宜佐周之力內修陰禮外翔皇圖有維持三朝之
功實久長萬世之業彤管不足以紀美景鍾不足以